

DU1574
2176

命人焚而康





昔王右軍補志力陳言誇未
 俗可恰云補費精神其識
 韓字非也四社五車真無
 精美圖書年五十一為詩古
 文評槩之曰喜補啟詫黃金
 似擲宏壯則同也

無補集序

乾隆乙未三月三日何文煥序



[Faint bleed-through text from the reverse side of the page, including characters like '林其為' and '言新']

無補集凡例

余寡陋又不能走四方爰鐫諸木幸當世君子寓目而是非之獲教多已

辭人類多憤恨余則絕無閱者鑒之

倡和贈答苟無關於義理事故槩削之弗嫌故遺也

文則分類後有作依類續刊詩則分年蓋情隨境遷畧可自鏡云爾

集中惟鴛鴦湖權歌係應試故低二格有雙

無補集凡例

一

擡單擡字餘則私橐凡前輩及家先人俱不擡寫

也夫何文煥識



無補集詩目

詩之一

古近體一十四首

詩之二

古近體二十四首

詩之三

古近體二十二首

詩之四

古近體一十五首

詩之五

古近體一十九首

詩之六

古近體十八首

詩之七

近體一百首

詩之八

古近體四首

詩目

詩之九

古近體二十三首

無補集詞目次

賀聖朝 踏青

風蝶令 冒雨登冷泉亭

西江月 松下

瀟湘夜雨 泛湖

玉漏遲 約慈山先生撥梅溪莊

念奴嬌 對月

滿江紅 悼孫清一

漢宮春 咏蝶

霜天曉角 月下

鷓鴣天 瓶梅

江城子 惜別

意難忘 湖船小婦

山花子 許明川避暑北園賦池荷一闋寄之

青玉案 盆中石子

人月圓 池荷

減字木蘭花 招浦柳愚小飲

滿江紅 登金山



眼兒嬌 雁字

詞之二

千秋歲 題六合夏孝廉冰嶠洗硯圖

法曲獻仙音 寄虛白關士

東風第一枝 訓導蔣拙菴先生七十雙壽

龍山會 己亥秋九過問心菴

唐多令 落梅

目次

二

無補集

詩之一起丙子迄己卯

嘉善 何文煥 屬

畫意二首

春林平遠

春風和氣始淡蕩空山裏輕雲明遠岫微靄翳
流水林際見茅檐高人呼不起陽阿晨晞髮芳
渚自洗耳流覽意何窮綿邈思無已點染越氛
埃慨余徒遙企

秋山行旅

無補集詩之一

一

西風下木葉蕭蕭湘水波空山黯秋色肅肅鴻
雁過渺邈思帝子羈人發長歌徬徨駭巖壑烟
光暈薜蘿

竹林

步入竹林中褰衣披霧跡林深客到稀可愛苔
痕碧

過毛家山有感采石者

高山何崔巍逶迤自盤結鬱鬱包元氣亘古爲
土骨何虞采石者歲月供剗劂遂使山之形彌



望如跛鼈非無禁采例曷于斯獨缺奇峯號旋
螺幽澗名響雪天平列雲表削玉擁萬笏惟茲
毛山石體勢本秃屺因之斧鑿者來往無時歇
爲人當坦夷險者乃作孽爲山當峻拔平者卽
爲劣刊削故所宜欲辭其何說

奠顧氏姊

感切中心甚悽然奠一卮昨來猶歎語今鄉只
空帷涕泣嗟何及死生命若斯夜臺能鑿不幽
恨復誰知

無補集

詩之一

二

寒夜聽雨晨起書所喜

陰隙引微風重帷燈焰小夜深未渠央靜聽神
杳杳好雲何處忽飛來細雨泠泠及清曉趁麥
苦久旱時雨曷可少風息雨漸疎膏澤憾未飽
卻喜開軒晨氣清蕭然殘滴溼樹杪

秋夢遊仙詩五首

擘開紅霧見三山金闕珠宮縹緲間萬頃雲濤
翻脚下海風吹動鬢毛寒

恍挾飛仙上玉京碧霄宮裏蕊珠明中天雲物

都空洞長嘯一聲山海清
蓬萊傑閣勢峻嶒髯危欄獨夜凭猛見紅光
三百丈扶桑頂上日華昇
白鳳翻飛入杳冥玉簫吹徹會仙靈不知人世
何方是遙認微茫數點青
清寢悠揚小洞天泠泠秋色渺無邊個中勝絕
知誰會雲淡風微花滿川

山遊雜興二首

久苦塵中居悶如身儼甕乍鄉青山遊快如馬

無補集

詩之一

三

脫鞵躡巖騁遐矚曠朗天宇空坐石悅鳥音好
語和清晠淡隱白雲塢縹緲紫霞洞此乃神仙
宅風景足吟弄松陰結翠幄飛花紛迎送夕陽
明樹杪衆妙可一控所嗟暫來遊忽忽同清夢
青山秀如沐濯濯凌空虛松風振巖岫幽籟邈
紆徐澗林有宿鳥深澗有潛魚物物各自得遊
息致有餘而余生世間乃尔物不如樊籠困束
縛牽制等囚拘何當謝塵鞅來此空谷居

落花歎追思仲兄朗懷

幽思春來悵無主坐對落花愁不語一樽擬欲
送春歸相顧淒涼卻誰與憶昔春光爛熳時兄
弟嬉遊日歡聚邀朋置酒坐花間大觥巨爵飲
無數高談鋒起縱諧謔一笑醒時忘爾汝此時
晨夕頗安閒搦字觀書隨所取脫畧世務懶經
理一埤遺兄無細巨嗟哉樂境不能長人事乖
錯乃如許縱復良辰對花酒欲飲而今氣先沮
出入終日莫與偕淒絕朝昏愁寢處伯兄謙六
卻守舊廬
更憐心性劇迂疎涉世未諳多齟齬出言乃便

無補集

詩之一

四

忤人意作事依違遭慢侮一經追思雨惘然苑
結余心涕如雨撫時感事竟如何黯淡風光足
淒楚披幃問影空寂寂日夕虛堂勞延佇

無補集

詩之二起庚辰迄癸未

嘉善 何文煥 屬

遊天平山詩 四首

白雲庵次韻

不辨山深淺悠然塵外蹤
化城聊駐屐虛谷好聽松
涌地泉如醴攬天玉作峰
何人忽長嘯聲過鳳鳴鐘

小石屋

初地少人跡茅茨烟霧間
窗中湖影淡暮色倦雲還
鳥語知時樂僧寮坐日閒
山靄嫌客不早自拂塵顏

無補集 詩之二

一

大石屋

結構高巖上凌虛別有天
漫將山作屋還就石爲田
樹色森遐阪風聲咽細泉
下方人不見占斷白雲邊

蓮華洞

陡挿玉芙蓉仙居碧落宮
烟霞生戶牖樓閣住虛空
勝賞撥幽蹟清歌答遠風
有懷誰與會閒

坐對經童

題伯兄謙六高山流水圖

天影淡高松輕颺蕩疎竹可喜同
氣人瀟澹肆遐矚何以暢幽情
琴調秋水曲落落大鱗行流
徵響空谷溪面縠紋生烟際
雲峯矗緬懷大山風惆悵此
行獨

贈卣承世弟

金汝瓚

計四千字

二十年來事吾師誼共傳
交情如水淡秉志斷金堅
文貌羞時俗忠誠比昔賢
告言多苦口接

無補集

詩之二

二

話每忘眠學肆三千牘
神藏五寸鍵論詩參正
變語道徹中邊丙夜猶
繙帙丁年猛著鞭心雄
看電閃筆健擬風旋
薑桂非因地階梯欲到天
二三儕輩在晨夕命提
專好學勤初日名言瀉
智泉騷壇欣扼要理域
妙開先疑義從冰釋蒙
心視疾捐腹中揆法象
舌底運筭筌團土神功
絕鎔金大冶偏鳳毛都
絢爛鴻翼儘蹠蹠春草
風中偃秋香月下駢汝
南推妙質許氏昆季
江夏屬英年黃氏表兄
筆海層波涌辭鋒七札
穿聲名方藉

藉文采共翩翩人盡追風騎余仍上水船青箱
慙並給黃嬾漫相牽纜繭絲難吐調鶯舌未圓
折荷誰作鏡倚玉竟投甄但賸長身厄奚容衆
目憐一衿非素願十載滯陳編附驥方勤止登
龍幸勉旃相觀巧中鵠應笑拙爲鳶四十年云
富扶搏力正全誰知長已矣此日倍悽然篋衍
遺文散墳塋宿草芊蒨風聲馭選簾月影嬋娟
垞棗棲鸞藪居匏種玉田

夫子所居號棗倚小垞匏居其軒額也

寒花香晚節稚笋長新烟應似留皮豹寧同縮

無補集

詩之二

三

項編翰通曾韻曲脈望可登仙我故持心果君
無見物遷誰開新絳帳弗負舊青瑣人世如烏
集吾生尚矍眊有懷殊未盡聊爾賦長篇

鸚鵡篇

嗟哉羽蟲屬微物天生卻不虛其名催歸與喚
起日夕常悲鳴提壺能勸飲播穀解催耕荒雞
叫夜半鷓旦司天明鷓舅報凶鵲告喜林間鳩
婦知陰晴惟爾隴西鳥漫學人言巧詎能道寸
心啄粟幸偷飽邊上玉堂入繡闥只將口舌供

笑嬉能言同嬖女嬌語似妖姬人而或如鳥鼓
簧變是非詎謂調笑等俳優惑人亂聽豈所宜
鳳凰主鳥政賞罰是其柄似此巧佞徒于理當
遠屏鸚鵡聞之舌不捫謂言君且無我嗔相遇
偶相依初未有心機正爾困羈留我與世何求
脫卻雕籠且自在西歸鄉樹足遨遊豈似世間
諛諛輩只取容悅不知羞人猶如此真可歎何
獨於我乎相尤

感興五首

無補集 詩之二

四

麒麟遇鉏商

麒麟遇鉏商卒然竟斃之聞諸魯尼父掩袂交
涕洟春秋遂絕筆至今名永垂嬪人及童稚共
歎麟神奇真能耀千古一死何足悲

孤桐生嶧陽

孤桐生嶧陽始萌纔膚寸終焉百尺高挺立無
牽蔓孫枝中琴瑟足爲清廟獻過之而不採恐
爲知音怨知音縱弗顧盛業終難建

河源出星海

河源出星海沮汝始微瀾行行遠千里其流經
中原橫天耿漢斜絡地鞏帶蟠羣生沃餘潤洶
涌洪波翻莫易濫觴初定須知者觀

燭龍照西陲

燭龍照西陲光明繼日月舉目變朝昏用以補
天闕在昔大荒中瞻仰咸震咄蚩蚩彼衆氓埋
頭蔽土窟聞之蹶然哈以爲屬荒忽

偉哉廣陵濤

偉哉廣陵濤觀之頗心悸呼風倒江來猛厲薄
天地問何爲而然乃屬子胥司磊落不見容千
載有生氣餘怒卒難平英雄不可戲

次韻春日憶登胥山二首

見說胥峯勝真堪鄉

去聲

客誇茅菴生竹色劍石

蔓苔花遊子多懷古僧寮費點茶消搖餘興足
春路紫煙賒

靈胥留勝蹟登覽足雄誇江飲雙峰翠山圍十
里花伯圖看畫餅詩思味春茶好訂清遊約無
愁禁火賒

高其佩畫虎圖

蕭蕭空山日已晡陰雲捲地風前驅對之愕眙
咸驚吁堂中忽見蹲於菟磨牙剝爪磔其鬚仰
視崖岸思騰趨行當一掃梟與狐莫嗤類狗馴
階除

採菱曲

泛泛一葉舟約約平湖水菱絲那許長長短任
儂採

皓腕露條脫波光耀脣采嫋嫋湖中歌隔浦聲

猶在

無補集 詩之二

六

采采不盈匊有懷怒如餒忽見雙鴛鴦低頭色
微改

艇子打兩槳湖水影清澄可憐風日好伴儂歌

采菱

采菱鴛湖上清風快意乘百頃煙波晚一鈞新
月昇

菱種誇南國膚色勝于冰纏綿連根蒂好似同

心繩

同心復同根
搖漾飲湖淥
少小不知愁
好唱湖中曲

禽宿
菱花白如銀
菱葉潤如沃
水底游魚戲
汀邊野

禽宿
激澗一泓清
微風動紋縠
相將齊拍水
秋水澗
裙綠

無補集 詩之二

七

無補集 詩之三起甲
中迄丁亥

嘉善 何文煥 屬

次和潘夢廬 豐俊
宸樞 直指庵讀

書作

可喜風雅人琳館分雲住素友臭如蘭妙獲賞
心趣而余坐空齋未得追歡聚遙企隔春城清
影搖烟樹隘禽漫好音靄靄良辰暮金鉦西曉
催玉魄東軒吐空復慕芳塵幸藉聲聞悟

賦得門外碧潭春洗馬

無補集 詩之三

一

透藍初漲畫橋南閒喚奚奴洗玉驂桃浪暖翻
噴蹀躞柳陰清映舞鬢鬢披霞采紅紋綉尾
刷波痕綠意酣汗血名駒龍性在一灣淡碧是
蛟潭

吳仲圭先生墨梅歌

先生冰魂并雪魄謫生來自衆香國興酣搖筆
動春風點染香痕時戲墨墨花輕暈花欲飛嫩
寒清曉影霏微平章更自親題句 樂天詠梅云
平章卻要詩

腕底歷亂拋珠璣畫成恐被天工惱逸品不數

華光老彷彿香風拂面來錯疑嶺上南枝早大
隱當年故達天生號道人死託禪吟詩作畫只
餘事過眼總是等雲烟須知在德不在畫先生
早自空色界六法漫成身後名好似須彌納纖
芥經今短幅汗煙煤錦題玉軸珍瓊瑰項氏墨
林藏秘笈摩挲欲引清風回清風逸兮不余待
遺筆依稀留墨采莫救六丁下取將合教什襲
傳千載

擬謝惠連泛湖歸出樓中翫月

無補集

詩之三

二

澄鮮夕影佳搖漾泛輕橈岸容浮遠樹浦口上
暝潮欣茲雲壑麗懶趨車蓋要瓊臺抱水榭碧
月映巖椒境曠騁遐矚林響起夕飈渚蘭縈霧
采隄柳明露條睠言足幽賞興歎倦塵囂流翫
樂此夜聊以永良朝

秋水泛舟吟

風蒲杳眇靄輕烟穩挂秋帆一葉船可愛清冷
百尺水透空遠浸碧瑤天天邊墟里隱江樹斷
行旅雁沒雲去歸人沙際獨支筇風色蕭蕭呼

晚渡

白秋海棠

眇爾幽軒素影橫
玉容輕洗露華清
高燒銀燭
甘同夢夜夜空憐
穉月明

折柳

不折花枝折柳枝
磁瓶清供綠參差
也知花有好顏色
風雨前宵足怨思

次和潘夢廬秀才月夜見懷作

詩狂乃故態
醉侯亦舊封
舉杯喚明月
舞影伴

無補集詩之三

三

高松手欲挽銀漢
遙挂紫雲峯
呼吸沆瀣氣
滌蕩塵凡胸
誰與同好者
故非少年叢
潘江富才
學人淡詩思
濃寄箋
燦琳琅
不與凡艷同
清光照顏色
遠韻鏗華鐘

麟湖六詠

麟湖

荒荒莫景寒
蘆葦迷洲泚
一縷炊烟生
知在漁篷裏

假山

何年鬼斧餘空明
敞窈窕有時新
雨過秀色沐清曉

雲夢涇橋

長溪遠卸帆
虹影乍升沒
晚來風露寒
淡弄波

閒月

南邨

水市魚發發
邨釀甕頭香
沾酒復烹魚
轟飲樂未央

水雲庵

無補集詩之三

四

流雲共流水
秋影渺虛徐
欲認水雲處
淡淡遠若無

四十二浜

回灣四十餘
水口畧相似
不讓武夷溪
九曲便誇美

夜坐

蕭蕭薄莫雨
撼撼送寒聲
兀坐竟忘寐
淒清伴五更
悲歡空寢想
新舊感親情
漫道知時節
天涯芳草生

懷無圍老人 潘佳喟

老去似孤雲飄然莫與羣風飄捐寂寞石硯冷
鋤耘經卷供朝課禪談對夕曛年年虛館裏世
事不相聞

悼陸紅橋秀才

不堪零落怨華年每念伊人獨惘然舌在言談
霏玉屑巷居蹤跡掃塵緣士衡自昔徒工賦鴻
漸而今可解禪從此梅花菴畔月一般清影鄉
誰圓

無補集 詩之三

五

魚聽軒金魚

會識濠梁趣盆池亦可憐金鱗游玉宇碧影浸
瑤天吐沫看珠溜吹花暈月圓靜觀良自得雅
韻寄冰絃

黃子久仿米襄陽畫

溪光乍亂輕橈過山影欲移虛靄浮好在笭箕
泉上筆未輸米老擅風流

蓮藕圖戲拈二絕句

蓮藕本連理根株依綠水不惜脫紅衣中心貪

結子

子如碧玉葢戢戢羅紉房此物相思種看取藕
絲長

泛運金港

荻花蕭蕭洲渚寒扁舟一葉布帆穩好在悠揚
波面寬

無補集

詩之三

六

無補集

詩之四起戊子迄庚寅

嘉善 何文煥 屬

和慈山居士胥山石四詠

石劍

一棱橫嶺畔物色幾經春吐氣合冲斗埋光猶照人
精芒凝石骨雄魄厭山神志士真千古龍蛇漫屈伸

石虎

何來巖下石猛勢欲離山凜逐清風嘯濃留老

無補集

詩之四

一

蘚斑樵驚三尺伏獵駭六鈞彎太息屯兵世可能當據關

台星石

山尖有卷石傳是應天階邈矣三台迥巋然一柱排
蝕餘和月舊鐫古半雲埋仰止晴空色寒光淡翠崖

定風石

帆然遮巽位儼似閉岩扉雲在陰逾靜松高韻自微
卽教吹海立終不學山飛好作胥峯鎮千

秋駐景暉

詠山茶一首戲呈伯兄謙六

堅冰一尺膠銀沙梅梢疎白才含葩東風將誰
占花國稜稜厚葉深週遮穠苞開裝瑪瑙碎欺
壓霜雪騰紫霞坡仙品題未爲當竟嫌少態增
吁嗟梅溪先生有卓識獨賞不是兒女花急須
呼酒與浮一大白莫爲義山所誚對花空啜茶
書諸宮贊絳附閣詩集後

無補集

詩之四

二

九天十二樓金闕霞光殿瞳矐慶雲飛醜醜香
風旋於穆闕精嚴勅賜朝元醮羣真列瑤彤奕
弈頰玉面腸胃五色光方瞳明紫電水蒼雅珮
垂搢笏峩星弁玉皇香案深坐擁五明扇神州
飛綠章牲璧虔祠薦計須黼黻猷仙曹孰可選
帝曰惟上卿玉節雲車先翩翩來鳳池爰作金
閨彥大藏發名山富溢五千卷上窺姚姒源鴻
荒辨溟泐遠紹禮樂宗經曲精摩研雅頌志端
莊風騷雜婉孌爬羅萬象窮灼視不冥眴鎔經
太乙鑪麗史眞珠絹高揚銀漢波巧引天孫線

消息丹鼎神色相金鋼變意氣吐虹霓揮霍馳
電霰流遠若洪河崑崙御始衍千里翻雲濤蛟
舞蟄鼇扞燿如九日飛夏羿激猛箭闕如萬馬
奔楚項決鏖戰窈窕花巖幽仙姝玉容鍊肅穆
古色尊清廟寶藏見胡甸切錚鏦憂賁鏞純繹箭
韶徧旌旗爽乘輿璫錯龍螭絢終焉歸自然妙
手庖丁剗精心明月珠九曲玲瓏穿而余墮塵
寰生長樵漁賤攀援大雅堂美富幸一見仙翁
氣春溫俯接荷恩眎吳歛下里辭點筆仍留眷
袖出琳琅編指授神無倦踴躍欣什襲捧讀忘
寢膳瓊膏化肌髓金鏡刮昏眩卓哉千古雄藝
圃誰承佃掃禿紫兔毫磨弊青鐵硯汗流走且
僵凡骨徒興羨

喜浦柳愚銑歸里

如君的是神仙客而我真成懶慢人過去空慚
耗壯氣來歸喜暫拂征塵鴛鸞臺閣豈無序鷗
鷺江湖不易馴好在風光足行樂莫嗤吳下一
閒民

題鄭去非畫竹冊子

枝枝搖綠烟葉葉語清風日午北牕下幽賞與誰同

層巖生翠陰涼颺起炎夏吾鄉梅花翁風流此其亞

清暑雜吟 四首

詠物沿自六朝而浣華翁之槐葉冷淘坡仙之柑酒豆粥瑣碎吟情亦時有服食清貧咄嗟而辦用博同人一笑云

無補集 詩之四

四

爾

荷筍飲酒

涉江采得芙蓉柄裁作仙人吸月筍醞醪拍浮盃影碧琉璃吞瀉酒鱗紅冷香熨齒金盤露清液噴心玉渚風一飲頓消塵世熱興酣那惜縹壺空

苗葉煮粥

禾穎新抽露氣饒半升鎗內費和調清泉沸沸融珠粟香瓣浮浮散玉苗翠活訝同萼葉煮白

凝可似杏漿澆謝公冷况堪千古雅稱吳儂避
暑朝

藿香煎餅

山厨蔬食本尋常盤飴新鮮出禁方織葉摘來
風剪翠濃膏煎就露生香脆沾齒頰瓊瑤液冷
沁心脾沉瀝漿寒具那堪參臭味晚軒供取醉
清觴

菊蕊點椽

石鼎烹泉泛素華碧甌淺引試名椽舌根春嫩

無補集

詩之四

五

雲腴滑鼻觀秋香風味加數點圓浮寒玉蕊一
槍尖放淡金芽山家清供神仙饌鳳餅龍團未
足誇

題潘椿山椽 畫蘭冊子

潘翁飮古味含吐生清風蕭然寄空巷偃息紫

雲房

馮叶

興來時灑墨點筆留芳心

松叶

玲瓏偏以

反華不翠影重香氣鬱滿紙九畹楚雲淡

春叶涼

颺秋颯颯晴旭靄濛濛幽姿艷絕壑遠馥搖虛

洞桐

氤氳棐几上流照山牕明

蒙叶

惟翁故文豪

篇什協雅頌

叶

從兼之精入法腕袖飛蛇龍蚩蚩

者俗子不買詩名用

叶

容偶然出餘技猶足驅盲

聾拂拭重什襲珍比錫百朋

叶

蓬讀易占同臭不

識宜彼衆

叶

寄許明川 水華

魏塘水滿綠沄沄夾岸柳花飛白雲念君遠鼓
乍浦櫂風送輕帆破浪痕海上三山間何濶憂
思中來不可遏屈指而今幾夢醒此生只望烟
霞活眼前景物伴愁生好鳥嚶鳴不忍聽歛眠
欲賦懷人句芳草閒房空復情自來傲骨乃天
付一腔奇氣終須吐落度從教世俗嗤遙看孤
鶴橫空去

無補集

詩之四

六

無補集

詩之五起辛卯迄癸巳

嘉善 何文煥 屬

懷友

一望橫江水可憐
日夜東春光新夢
覺夏雨舊歡同
念此蹉跎久兼之
契濶中有懷空寂
寂吟醉落花風

秧馬歌 并序

宋蘇文忠公有秧馬歌而吾吳僂僕以種不聞此製憫其勞而不知變也步韻

無補集 詩之五

賦之

方塘靄靄雨淒淒
新秧閃閃綠痕齊
三吳厥土惟塗泥
相呼力作墾荒畦
一聽暮蛤與朝雞
田父田婦含悲嘶
兩指下種隻手提
何如秧馬平復低
腹削如鞍首如圭
以髑帖背腳作蹄
泛泛田中若鳧鷖
楸輕棗滑便于齋
刀耕火種嗤雕題
頭昂尻仰走東西
稱心一若應鼓鼙
歸來擲向門前溪
課風說雨快幽棲
兒不號寒妻不啼
吁嗟吳農老且鰥
未識此馬無顛躓
東坡仙人

籍金閨卻勞賦詠譜劬奇畜何庸咤馭駟

潘夢廬讀書長春宮別後詩以寄之

伊昔接笑語歡情僊館同高松作談塵清言開
遠風古壇春色淨梅影澹朦朧分攜睽良覲有
懷故忡忡心期識妙理內貴外緣空塵鞅莫羈
繫脫然超妄蒙

同弟仲璉姪迺宣登長春宮斗閣

嫋嫋秋風灑面涼相攜仙館足方羊石壇松挺
千年性金鼎烟銷百和香物色空教看鶴立登
臨何許判雲忙好傳謝朓新詩句兀向青天問
紫皇

北園秋宴

晴光麗佳日消搖池館清同袍喜無猜禮數畧
將迎坐花開綺席谷鳥聽嚶鳴素琴揮古調金
波泛玉觥不知天地遠秋風松檜聲且共樂今
夕何必問枯榮

十月十日集永宇溪莊

偶向溪莊接勝蹟銜盃欣暫侍嘉賓白雲紅樹

光華老綠酒黃梢臭味新
今夕留連三鼓月他年
風物一枝春須知此樂
乃天賦籬下悠然掃俗
塵

病風不得撥梅賦九字句一首

首春之日晃朗耀晴旭
逶舍溪光潑眼盪新淥
整頓撥春裙展欣相逐
拋卻老羊裘袴御單複
歸來袒衣高臥樓下屋
俄聽牆根颼颼風搖竹
亟下疎簾重幔房中伏
瘦肌漫理礫嵬起疹粟
兀坐蘆花方褥醉醺醺
眼看風光復爾吐清淑
倦眠乍醒恍惚迷雲谷
飛入仙界千朶玲瓏玉
飽吸冷香清艷春滿腹
抗聲長嘯舞手并蹈足
一覺蘧蘧淡月寒牕獨

獨坐

獨坐南牕下悠哉竟日閒
酒盃嬌女祝書榻小兒
頑哦句忽來夢揮毫時
破顏偶逢塵外客引興
話遊山

謁吳仲圭先生墓

夫子沒云久梅花古墓
春烟雲供物色筆墨幻

清真處困一生事流芳千載神碑文今剝蝕人
重以瑤珍

閱西湖志餘題後

南朝功業駐錢塘點檢遺聞費較量不改江山
今壯麗祇餘宮闕古悲涼醉來花柳愁邊澗怨
去英雄夢裏長見說西臺曾一慟可將瑣碎記
興亡

有客招飲牡丹花下風雨適至賦詩以謝

三月春寒未脫裘瀟瀟風雨下簾鉤懶從君輩

無補集 詩之五

四

來轟飲斷送名花一段愁

素心蘭 二首

花中臭味取蕭森未許東皇暖氣侵繡罷騷經
須別識故同楚屈抱丹心

湘江洗出玉森森畹土春生月影侵千載所南
已老去倩誰淡筆寫芳心

再集永宇溪莊

重遊愜幽賞首夏綠陰新日月不可駐風光殊
悅人絲桐發逸響興洽對金樽隱靜衆香吐樹

澱百鳥喧流雲故多態閒曠夙所珍遙望千
古一笑付清言

錄舊作并序 五首

少年喜賦艷體冶而蕩不可也漫憶舊

作錄之

閒窓清晝綠陰淡惱殺楊花蕩客心何事野禽
故饒舌隔簾恰恰奏蠻音

判得蜂雄蛺蝶雌笑他空復夢相思春風一度
茫如海不見花房戀蜜腴

無補集

詩之五

五

無端舊恨到眉邊好月南樓故故圓坐對廣寒
宮闕冷人間天上兩悽然
滿庭芳草綠婆娑一陣風攬花影過爾許春光
又去也可憐淡院獨如何
九畹移來寄所思風前雅韻玉參差問花花合
無言語一寸芳心君自知

無補集

詩之六起甲午迄丁酉

嘉善 何文煥 屬

拜先塋

感時思拜墓夙興戒肴漿扁舟乘曉發遙指麟湖鄉麟湖清且美春水正湯湯新芽綠痕秀疏萼紅意芳肅將事云畢餽餘合舉觴輕陰忽微雨暗聞花草香非戀風色好弟姪燦成行

書感

年少不識事識事力漸衰往者旣莫諫來者當

無補集 詩之六

一

自持生此太平世閉關可樂飢忽有窮居者營營良足悲未能甘淡泊勢蹶被輕欺輕欺復誰訴歎息且已而

風雨

風風雨雨暗江干捫腹哦詩強自寬多賴室人相慰藉松膠笋脯酌言歡

鷺雛

鷺雛一何嬌偶因雞抱卵同窠蔽而坼黃嫩茸毛短兒童走相視字哺頗勤欸終然水性殊啄

粟非雞伴呼童撈水草晨夕勞提畚稍長放水
涯拍拍縈波緩庭除久以嬉浮泛劇非穩縱之
流別浦驚叫自意意感余乃長吁習慣竟難返
微物故宜然惟人豈相遠倘非素經歷何能不
竦懸風雷罔或迷聖學世所罕

過許明川新舍

炎塵紛囂滿長衢幽逕北折乃君廬偶趁清晨
特相訪曉霞纔照林間烏主人出對脫俗態揖
我謂我非狂徒忻然翻軒掃榻坐嫩湯活火烹

無補集

詩之六

二

雲腴解衣盤礴聊放曠適意豈以禮貌拘竹牀
藤枕足安臥磁鑪古色訝團酥詩章粘壁盡瑚
璣瓦缸淥淨游金魚種種清氣貯軒檻嗜好與
俗酸鹹殊引我軒南步小圃桑陰濃沃侵衣裾
紫蘭翠竹茉莉白瘦梅老葉僵枯株盆池荷柄
翻綠蓋玉莖嫋嫋搖芙蕖牆根蘚石類蒼虎邀
我對坐談高虛當暑恍若沃冰雪填胸磊砢皆
蠲除從容論詩更警絕精鍊秀骨刊浮膚超詣
謫仙右丞髓洗剔仙佛還淳儒承擔不遺文選

學珊瑚瑪瑙犀象珠光騰海舶發寶篋見者吐
舌驚睚眦奇貨定非牙僧識肯坐市門遭揶揄
古來湮沒萬萬數卷而懷之可自娛披襟當風
一長嘯空山無人樂有餘拍手大笑仰天外眼
中之人今已無忽然猛省亟掩口竊恐鄰媼嫌
喧呼

過江詩 四首

尋禹穴

太史曾窺穴今惟一罅通陰雲龍壑阻晴日虎

巖空飛屐凌天半飄衣拂海東莫嗤遊覽僻孤

三

抱暢雄風

渡錢清江

漢時得廉吏江乃號錢清浪不因風濁波還映
月平今來空有慕古往但留名余幸存先業吳
田好自耕

曹娥廟

孝娥遠可慕吟望向江濬水面流紋縠雲容颺
采旗蘋花清以美鳥語怨而思古廟音塵寂香

醪奠瓦卮

餘姚謁墓

遷禾歷三世望望越東隅欲訪先塋遠言尋舊
宅蕪溪橋未省識父老半抑揄藐尔來孤喬遼
巡一歎吁

八月六日天未曉忽夢將死口占三字句

覺猶記云氣不屬聊借筆念二人罔報
德末云委空蛻清氣積遊太虛渺無極
嘻死生夢覺不離文字緣乃尔因戲作

無補集詩之六

四

數句

荒石不堪雕散樗不堪斧雖非已死質相去能
幾許惟余乃同然生也徒處處頑鈍過吳牛不
顧揮鞭豎隘矣愚且癡死緣結臍腑因之發夢
機神告禍自取冥然無懼心奇語復噴吐閻羅
惱余狂傲骨難煎煮口故多微辭坐恐遭訛侮
忙呼牛頭卒驅逐出幽戶醒來足笑嗤生死兩
齟齬宜樹竟無能暗嘿空含怒

再訪父根一洪不值詩以諱之

綠陰淡巷晝閒閒一再逡巡阻笑顏私愧邇來
多俗狀故教仙苑闕雲關

萍

楊花點水定欺謾神物想于此屈蟠一夕雷轟
靈虬遠綠鱗拋卸滿江干

秋日有懷王修竹

志熙

名士今誰數風流王子猷一時文水別八月武
林遊虛館綠陰晚高原紅樹秋何能忽相見雲
遠思悠悠

無補集

詩之六

五

乙未十月廿日禮門邀集永宇溪莊范六

泉寶璣

讀書問心菴招與同飲用辛卯

十月十日集溪莊韻一首贈六泉

溪亭小會便

平聲

幽興握手歡逢文苑賓眼底風

雲心跡遠胸中邱壑笑談新逡巡翠蝶飄黃日

流浪紅蠡捲碧春爾許閒閒應好在莫嗤大地

一微塵

鏡波先生

錢肇豐

以移居詩四律索和憂

貧歎老且有句云鄧攸并抱衾裯恨羅

隱翻遭窈窕嗤於此猶未能忘情耶謹
步韻賦古調一首意盡不及遍和聊以
廣先生之志可乎否也

達者於境忘異同物不能擾其胸中閉門讀書
塵事少蕭然甕牖生清風外緣可慕戰勝樂隱
几無言四術崇鐵石豈曾戀兒女從教人笑癡
頑翁

五牧

在無錫縣北五十里
有序

康熙四十九年先人曾此雨夜遇盜身

無補集

詩之六

六

不及衣握無寸鍔舟人俱匿赤手斃三
盜餘十許輩不敢近飛械環擊迨曉始
退幸拳捷免焉

墟落參差傍汊河問途忍向此經過昔年暴客
相逢夜感念先人痛若何

丁酉仲夏寓崑山縣漕港之水仙廟僧恒
如乞余筆跡因賦一絕句敢留待他時
作證耶聊以博來此者之一笑云爾

望中絲雨暗溪光虛閣無人幽興長忽憶坡翁

好詩句一杯須薦水仙王

過澗山有感乎烈女賦六言斷句一首

童童樹非連理之死儂心自甘一昔蓮華結伴

三生明月同龕

無補集

詩之六

七

鴛鴦湖權歌序

吾郡朱竹垞前輩賦鴛鴦湖權歌百首同時和者譚舟石一人後二十年吾鄉曹次典復徧和之其序次典和歌云舟石取材皆予所未及道次典雖事不必異而辭則必工謂可鈇諸木質之王少詹今閱曝書亭集次典之作不載舟石止附載一十六首然或地或人已有與竹垞同見者蓋謂地與人雖不異其旨則竹垞所未及道耳

鴛鴦湖權歌序

一

甲午歲暮臨川

李少司空督學兩浙課諸生卽以權歌命題文煥不自揣率爾拈毫徧步原韻里詞巷歌不敢次四子經義後謹別錄冊子以繳非敢掉斧班門亦以成竹垞前輩之志喜後起者之繼和雖然私愧多已

乾隆四十年歲在旃蒙協洽室病月何文煥序



無補集

詩之七
乙未

嘉善 何文煥 屬

鴛鴦湖權歌

步朱竹垞前輩
原韻一百首

湖水春來約約平湖中
嫋嫋送歌聲如梭

艇子衝波去一道湖光溜眼明

鳳凰洲上鳳凰棲
烏白樹頭烏白啼
東流

莫道無情水一線潮痕也暫西

鳳凰洲在
府東七里

采菱歌接采蓮歌
天半彎彎月似蛾
不厭

風餐并露宿
篷牕底下得歡多

無補集 詩之七

白苧堰連長水斜
芳洲鶴渚漾晴沙
江南

遍地黃金好

御舫曾經駐菜花

康熙四十四年南

巡駐

脚菜花涇口時適
菜花彌望

天顏

喜甚語侍臣曰
好

龍淵一曲更東流
濠股雲烟兩岸秋
陸宰

當年題八咏無邊風月有名樓

風月無邊
樓卽披雲

閣宣和間邑宰陸
蒙題入嘉禾八咏

釣鰲磯上跡空存
烟雨樓中烟雨昏
寂是

楸頭船得便趁人直到水邊村

人家小閣敞紗牕一抹紅欄映碧江湖號

鴛鴦都着意東流溪水亦成雙

雙溪在府治東六里

穀日徐王廟下過宜蠶乞稻乞恩多少年

絲管紛紛集畫舫中流緩唱歌

船牕隱現髻盤鴉不用輕遮摺扇斜三埕

真如禮佛遍南湖相伴去看花

湖中艇子坐漁師入市銀鱗挂柳絲少小

生來慣踏浪時從水底摸魚兒

無補集

詩之七

二

春江花月漾輕舳鮭菜吳姬手自操笑殺

厨娘勞遠聘如飛織繪落銀刀

賽神春社不論錢新婦小姑壓滿船共祝

絲蠶收十倍兒孫多種上圩田

村澗午後不聞雞時有幽禽隔樹啼聞着

春光何處好臙脂橋在望吳西

府城北門曰望吳

高便桑田低便池桔棹唼軋揀秧時晚風

處處歌聲起牧笛無腔和俚詞

卯蒜如銀小蘸鹽燒春冰雪價還廉招邀

五日盃盤集盧橘楊梅信手拈冰雪燒酒名

吳頭越角水爲鄉東去雙流漢魏塘西筆

今推文筆健年來金榜姓名香嘉善西城外有西筆

沙築城時胡梅林日昔爲西筆今爲文筆矣

朝來遠寺有鐘聲野鳥鈎輈格磔鳴一葉

船兒賣蝦菜綠烟紅雨暗春城

幽港吳涇漠漠烟相湖沙穩鷺鷥眠桃花

水上漂紅浪榆莢風中挂綠錢

往跡如流不暫停菰蒲澤國鬱青青戰場

無補集詩之七

三

夾谷無遺址圖志空傳柴辟亭

溶溶漾漾縠紋織水到秋濃淡更甜釀就

佳醪十月白甕中香味幾般添十月白吾禾名酒

紅油欄檻綠油脾樓館瀕溪水拍階一闋

人烟花鼓會少年遊樂滿香街

霜螯紫螯出汾湖水濶迴灣接斷燕貧士

空存左手在重陽能醉菊花無

漁釣年來有舊津韭溪東接穆溪濱綠蓑

青笠都拋棄恐被時稱好事人

東麟湖接西麟湖春水年年長綠蕪臨流
雙足白如雪不厭鴉頭赤腳屨

處處漁莊俯碧潯白魚如線喙如鉞鱸殘
銀色盤中釘風日清和春已淡

湖中樓閣水爲階西舸春遊雁齒排忽地
輕陰飛雨過踏來芳草濕香鞵

江鄉東接海滄茫一帆去聲風行百里塘見
說朝來喧水市黃魚石首趁新嘗

湖邊草色淨無塵春夏秋時遊賞頻月季

花開香不斷故教引得似花人

無補集 詩之七

四

孩兒草放滿塍紅油菜花滾遠望通竹杖
芒鞵扶路去這般風景畫圖中

孩兒草種以肥田者

萬个貓頭一逕開不隨花柳被春催卽今
猶有清風至當日那容俗物來

元隱士吳宏道善醫

愈者止令種竹一竿尋至萬竿號其地曰竹所今爲嘉善縣治貓頭竹名

水到湘泉水亦香波流不見浴鴛鴦剝來
蓮的無端苦牽動菱絲底許長

湘泉在善邑西城外

以其味似故名

萬壽亭邊幡影飄
茶禪學繡望中遙
南湖放鶴空留渚
西水迴龍尚有橋

五日龍舟鼓亂撾
宣公橋口水三叉
柳絲夾岸鬢髮舞
門巷陰陰艾影斜

踏得花秧藕脫泥
新鮮果菜配香壺
鋤家灘上傾筐墜
棗葡萄桃李梨

湖中老蚌吐珠丸
光妥銀盤色未乾
好與儂安羅額上
梳粧時節倩郎看

蝶影紅酣蜂影黃
桃花水嫩菜花香
菜花

無補集

詩之七

五

涇口妾家住願嫁
桃花水里住郎

槿樹籬邊碌碡眠
鴨兒水上點頭憐
羹湯

味美天荒蕩餅餌
風香蔭落田

天荒蕩在府東北思

賢鄉禾田美者曰蔭落

冬菜排殘苗嫩梢
青青直接古城坳
截來

漱齒瓊瑤脆輕糝
吳鹽歷亂拋

竹垞絲筆疊吳牋
日下遺聞達

御前更有奇書傳
我郡金陀坊著岳
家編

筵會笙簫動匝旬
華鐙錦帳一時新
安排

幾輩供趨走便是當年白席人

東京夢華錄民間筵

會自有下請書安排執事歌說勸酒謂之白席人

晚寒千疊暮雲停鑪炭溫存鵝鴿青簾幕

橫斜春色早黃梅香影可中庭

鵝鴿青炭名出老學

菴筆記

吳老清貧寄興遙蕭疎瘦竹帶烟描百年

珍重風流在熱鬧空憐盛子昭

吳仲圭妙書西與盛

子昭同時妻嘗謂其清貧不如盛多酌金帛吳笑曰百年之後吾西當價增百倍眼

前熱鬧何足云云

無補集

詩之七

六

杉青堰口淡疎林羞墓淒涼散夕陰莫恠

當年羞死婦而今揀塚戀多金

吳娃十五鬢脣纖把漿青萍漿上黏漾漾

橫塘波不動碧空清映玉雙尖

一泓湖波去不廻懷家園廢野花開難尋

八景重題句依舊湖東月影來

明懷悅居相湖有園

曰柳莊邱大祐爲賦八景

抱濠湖水月彎彎渾似秋空擲玉環掉入

湖中無處所菱歌遙答伴郎還

清風涇上古球場高柳蕭疎夕吹涼欲訪
當年盤馬地訛傳古蹟卻何妨

當年霸績竟何施寂寞空山伍相祠北去
胥江流別恨落花如霰雨如絲

梅會里南綠浪平陰陰桑柘暮烟生杳無
拾翠女郎伴日午村溪絡緯聲

柳洲亭畔柳飛花伍子塘深帆影斜岸上
千絲爲客網湖邊一葉是儂家

天紅一路好花枝秦運山邊麗景遲是處

無補集

詩之七

七

芳郊足行樂瓣香須薦美人祠

妍粧小妓野花濃飛步輕盈索上逢賺得
兒童齊拍手綠楊村舍鼓鼙聲

縹緲船頭戴笠人臨流采采弄風蘋清泉
白石留魚子楓葉蘆花宿雁賓

暖風遲日試輕衫小坐淩波倚峭帆信宿
漁家同泛泛江湖合著散人銜

春日悠悠水拍隄麗橋迴折古城西女牆
極目風光好一抹青蕪雨剪齊

漁籀橫斜燕尾開浪花飛處雨聲回白魚
昨夜江村過鮮鱸欣看入饌來

天目西來港汊多
泔泔綠浪漾長河
風檣水縉如梭織須記

官家幾次過

密蔭桑麻插水塵湖邊波影接天邊
翻翻小繖遮頭坐好趁鄰家放鴨船
冬來小港盡開淘春水生時引棹
檣獨樹村邊橋拔斷偶緣西舫
柁樓高

無補集

詩之七

八

草浮池面戲魚銜果熟林端好鳥
鷓賣果賣魚新市去羔羊堰畔挂輕帆

荻花洲渚蓼花汀一派東流未了青
就李語溪都寂寞至今誰記女陽亭

水程三百莫嫌遙秀水錢塘路一條
船過斗門須記取生憐虹影跨雙橋

雉堞參差映遠林弄珠樓下綠雲
濛迂迴九派游龍勢高捧圓洲出水心

早發平望平聲夜未央扁舟風穩到橫塘今

年晚稻收增倍新稅隴場兼碓坊

平望米棧碓坊

取盛

懷蘇亭畔草痕齊片石鵲題記縣西何處

同心可綰結空教郎馬一驕嘶

小結茅葑記荻秋留餘高論古風流而今

往跡如雲散難訪謙河鳴雀樓

荻秋吳志遠所居繼

有雀河八子鳴雀樓謙河俱在雀河書院

蜩殼船牕漾綠灣平蕪百里曠無山蓮花

涇上留連久載得滿船明月還

無補集 詩之七

九

竹塢人家柳岸頭妍粧兒女坐盈舟龍淵

寺裏桃花鬧結伴春乘淥水遊

龍淵寺千葉緋桃畝

盛

輕風欵欵碧鱗開蒲劍森森插岸隈祐子

冬瓜真落度片帆徐挂夕陽來

晚色寒凝湖上雲霜風颯颯枕邊聞朝來

香滿兒童口丹橘新苞細瓣分

難窺海底莫燃犀且喜山形巧類雞最是

仰天塢畔路石人風雨暗悲啼

海上雲開島嶼晴黃盤山下暮潮生秦皇
橋柱今何在時向沙中認廢城

望極天南蒼莽淡暮雲靄靄夕嵐沉鷹窠

頂上成奇觀去聲夜半潮生月涌金

鱸膾莼羹只一時春盤佳味寂聞知欣看

笋攜船飛快日日來參玉版師吾郡販笋餘杭自午

初至五鼓行二百餘里無日不至日笋攜

浦外蘆花白似綿裝成方褥是家傳竹牀

藤枕茅檐下好稱吳儂一醉眠

無補集詩之七

一

白水西流接練塘風飛夾岸柳花香閒尋

紀目坡邊路寂寞空餘千乘鄉

九樣松荒廢廢亭年來樵牧復重經生憐

舞袖奇峯在草色裙腰一路青九松亭舞袖峯俱在

麟湖沈園

匝月關門蠶忌中盈盈路隔水西東今朝

采繭歡逢處開遍榴花一樹紅

白牛村上高人居常跨白牛縱所如世間

名利不能餌宦途肯作上竿魚

扁舟偶艤畫橋南菱港蘆墟處處諳一陣
溪風吹雨過柳絲翻浪舞毵毵

友于軒畔古篁墩短棹相尋記石門竹自
種來已作祖稻經霜後更生孫

瀟灑溪風楊柳疎編茅架竹稱幽居經過
不厭水程遠蓮葉舟中臥看書

原草荒荒迹舊蹤院存福業古苔封傳來
恠事真難信當日軍行問老松

望中竹樹影低徊水色拖藍匝岸隈安得

無補集

詩之七

七

湖邊三畝宅買栽元墓百株梅

橋李亭荒失舊蹊堂傾三過野烟迷裴公
島北金明寺更覓風光向水西

西接餘杭北太湖阿儂生計豈云無秋來
稻蠡春蝦菜水種菱荷岸種蘆

壓溪菱芡綠成圍秋絹新裁雪色衣昨日
割來香蜜滿黃蜂喜更撲花歸

魏塘東去綠云汙水繞梅花和尚墳好共
佛香干劫在蕭蕭修竹黯微燠

梅花和尚
卽吳仲圭

三泖五湖潮汐通扁舟只任往來風鬥牛
山上蜃樓化一望寥天翠掃空

船似飛鳧掠斷磯屋如蝸殼掩寒扉九觚
潭下秋波濶七里橋邊春水肥

日影清和雲影鮮趁墟五兩倚風偏放生
橋外空如鏡春水浮來天上船

踏青女伴向嚴墩家住塘南竹裏村好在
春光無處覓路藏修竹不知門

坐來欹側試船初腰下葫蘆且自儲慚愧
無補集 詩之七

黃頭郎絕技驚濤飛處犯靈胥

風靜波恬憶邵灣寄奴當日凱歌還今來
不見狼烟起極目遙看海上山

後輩風流可似前墨香寶篋幾經年滄江

虹月銷沉久猶記雲東逸史船姚公綬官
御史號雲

東逸史善書西喜藏古人
筆墨曾造舟日滄江虹月

秋風起處興堪乘肯脫蓑衣并賣罾漁父

詞高千古調不須重弔剡溪藤陸龜蒙詩
爲當賣罾

單盡以
易紙札

滌湖北折更東流
越櫂吳航去未休
城下金魚池已涸
城頭誰訪月波樓

長空閬闔碧雲開
灘下鱗鱗漲綠醅
橋號聞琴都寂寞
吟巖空繞伯牙臺

細雨斜風任所爲
繫舟且復倒殘卮
水雲鄉裏稱仙吏
海上三山夢見之

短籬高樹漫平湖
去住秋風一棹孤
安得當年松雪叟
風流重寫水村圖

錢重鼎隱居汾湖趙

松雪爲繪水村圖當時名流題咏甚多

無補集 詩之七

三

無補集 詩之八起戊戌迄乙巳

嘉善 何文煥 屬

至今

年來無一得何事可迫尋涉世未忘我窺天難
見心眼波空自媚鬢雪已相侵尤悔前生積嗟
跼直至今

逍遙艸堂小飲

艸堂列坐無筦絃尊罍艸艸烹小鮮蟠胷猛氣
薄穹天劇談肆論誰讓先噫嘻生世磨折偏妙
趣嗟獨醉鄉全此中有物頑且堅混混沌沌難
雕鐫永無終始如日懸靜如山嶽流如川如坤
軸轉乾之旋攬不盈握鷹拳拳世莫知寶忍棄
捐天風浩蕩埽雲煙艸堂安安可醉眠對花一
笑春無邊

示兒塾

小築住坤隅悠然似畫圖
溪青城遠映淨淥水平鋪
鄰樹排千疊園蔬種一區
煙雲供蔭養艸木借涵濡
往者偏多拙來茲聊可娛
光風轉戶

鴈清影眉鬚檻靜飛驚蝶簾虛挂喜蛛迢遙
荆棘遠嘒歎蕙蘭蕪所止惟文圃而歸是義途
高歌推郢曲濫吹恥齊竽詎受塵埃困祗愁歲
月逾洗心傾碧海換骨守丹爐卜履將云泰占
蒙幸得需處雖安窟穴生不限菰蘆勉爾遷於
善良哉美且都才寧少一范學豈乏三蘇展齒
欣經過階頭肅走趨雕蟲傳素業捫蝨仰英儒
妙諦啟聾聵奇觀富璉瑚咄嗟催瘦僕指顧飭
貧廚砌下花工舞檐前鳥勸酤嘉肴求膾炙澹
味薦蒲壺凶吉憑烏鵲陰晴聽鶉鳩優游堪卒
歲弗替庶幾乎

甲辰仲秋朔與月川聯句嫌其辭意雜禪

獨成之

吾生信如何涉世乃亦頗殯然已逾艾癡若初
剪髻耳慚聞獨稀目詔見偏夥接搆半糝糊措
置都慙懼今也老而迂昔也少而惰顧影空憧
憧勞形足呵呵羞藏甚閉帷迅赴劇飛筇鄙彼
勇衽金憐夫烈蹈火猛革羣面在堅室眾口哆

豁比巨防開，深擬重關鎖。文章玉堂右，武備布
衣左。頭向青山埋，足爲紅塵裹。物非異物遷，心
自同心果。情贈繞朝策，醒逐鴟夷舸。九霄曠搏
翼，八紘遠縱柁。歸息覩蜉蝣，侍側失螺贏。誰與
顏如丹，彼乃笑之瑳。慕伊不慕任，學惠不學可。
希夷應脫距，混沌莫破卵。辰朝射鵠思，甲夜捫
蝨坐。性頑鑪鑄工，質薄秕穰簸。藝圃差荒蕪，書
田云耕播。龍麟眩溟茫，魚蟲撫細瑣。垂竿手忘
鉤，彎弧目迷垛。體寧幸瓦全，神解釋甌墮。橫海
或鮒涸，追電竟鼈跛。酒漿灌瓠囊，麥飯澆蓬顆。
隨蚓下飲泉，同蟻上食粟。安止占覆椀，利行視
炙輠。朔候旦日華，望喜卿雲朶。槐柯蟻陳喧，漆
園蝶夢妥。天高地厚人，明月清風我。

無補集

詩之九起丁未迄丙辰

嘉善 何文煥 屬

立秋日昧爽夢五六輩逍遙川上顧予曰

惟子究何若口占以對相視而嘻詩句

殊無文理夢中語故宜爾也

西風吹老洞庭波昔昔湘娥白髮多醉臥扁舟
飛一葉滿天星斗壓銀河

題文南雲幽居圖

南雲老人高風峻軌寫幽居圖今百年

無補集詩之九

一

矣三和詩用申企仰

太息平生苦滯留委懷一笑壁空投幽居人在
頭應白杳杳雲山樹已秋

雪泥爪迹豈能留雲外高飛何處投一榻幽居
神蛻遠蟪蛄春去不知秋

豹舂何須皮尚留蕭寥嬾夏卜依投閉關合著
幽居賦十畝閒閒慶有秋

和何義門金陵懷古

謹錄原詩

寥落寒雲蔽舊京
歌殘玉樹聽淒清
并無鐵鎖沈天塹
遽見金輿出石城
一馬尚能龍變化
千門誰使草縱橫
烏衣巷陌尋常在
可是夷吾浪得名

辛未秋日金陵懷古一首何焯

我家義門先生工帖括
未聞以詩名
偶得金陵懷古帖
書摹歐陽率更令詩格
清壯可與前輩諸公方駕
不知量竊步和之將得爲吾宗一段故事否耶

江山縣險控吳京
六代云徂宇宙清
虎踞巍巍

無補集詩之九

二

空古寨龍蟠
杳杳護春城
旌麾指顧人謀遠
車蓋登臨天塹橫
一種英雄勞史筆
可憐豎子漫成名

再和

偏據當年號帝京
而今風物喜徵清
難追六代英
豪迹祇賸千秋佳
麗城山吐紫雲天
闕聳江迴白浪地
維橫流芳遺臭人
閒世幾輩無慚竹

帛名

三和

金陵形勝莫之京縹緲風雲接太清幾輩兒郎
開遠略一般僮豎壞長城沈埋大澤龍蛇動恍
慨中流鷓鴣橫自昔驪珠早換得賸殘鱗爪愧
畱名

假山步韓昌黎城南聯句韻

敬避缺二韻

雲根怒呀豁石筍瘦清淨秀靨絢霞影空腔溥
露英兀峙孤猿立低積大蟹行凹澗爬虛暗罅
透覲微明痕皺碎揉葉跗竦曲抽莖猖獗掉鬼
臂矚睽握獸睛將斷倏繚繞欲連互措撐天矯

無補集詩之九

三

螫龍奮翮翻健鷗驚朽林強攬拄修藤肆紆縈
巖壓訝虎伏寶響駭鼉鳴醒醉應晝坐玩靜宐
宵征峭峯肩屢側危坡步還輕傷砌翠層折映
簾碧縱橫日曬色逾潤煙浮勢俱傾羣歡靈境
具獨詫元化并霜雪供洗滌震霆助猙獰翁癡
亟題品童駮戲笞擗奇姿宛窈窕幽韻遠鉤鏗
老嫗笑畫餅黠婢嗤塗羹而慣逐世味乃惜察
事萌河海黏天闊嵩華卞地平朔望朏魄運朝
莫潮汐生淵渟螭虬宅寥空鸞鷲迎暢茲眾妙

理緬彼寡合情白鳥潛銳嘒青蠅沸喧爭假足
類蛩蛩啟口類猩猩徧歌思棄甲反碁旆投衡
喚雨雌霓瞰蝕月妖墓趨捫心何云赤拭面詎
發頰觀星命多蹇占爻卦少亨匣冲牛斗氣曠
裂湛盧精愁腸急轉轂憂思亂抽緝金椎揮古
藏竹牒穿殘塋形骸勿外奪閭奧必中偵凡百
剛則折惟萬曲斯成仰瞻松柏茂俯鄙溝澮盈
舊學推騷將新詞頌墨卿俚聲屏土鼓雅音奏
匏笙晷測二曜協候分列宿呈爾爾薦隆陞琮

無補集 詩之九

四

璋奠華楹毋倩文通筆罔遺景山鎗日長緡漢
帙夜永耿韓檠流芳襲蘭蕙飭馨羅椒楨求三
陋菜市拾肥誚瓜棚秋陽暴皜皜春谷聽嚶嚶
巨製吐丹鳳大叩吼金鯨才慳怯詩敵興酣塵
酒兵試吟懷局縮放言恣嘲轟厚力迅排莽灑
氣岫陵崢解慚聊贈策消憾每飛觥羞弄蜂螻
色愧偷蛙蛤聲繾綣詠采葛侷儻賦伐櫻敗葦
不宿雁稚柳不藏鶯或懷輒擊壤或投李報瓊
淤穴沈珠琲頑璞闕瑤瑛絕少不灰木希有自

然粳抑捩骭髀骨流浪俳優名荒郊澹春旭冷
戶凝寒晶怵惕足常裹接構目頻瞠難誇隻手
障已嗟兩鬢覆疾疾亞三害咆哮匹九嬰置兔
徒肅肅庭魚漫丁丁寂寞清廟什欣歡下里賡
耽耽莫之滿膠膠莫之京栽培在蓬荻斬刈屬
楛檉逡巡俱趙璧譎詭塞秦坑疇謂粗糲美焉
識寤寐清物交目先眩分定慮早徵將擬見詹
尹行欲召黔羸讎懟愚抱甕朋比悅捧籛矜藝
射穿札賈勇御靡旌險徑有覆轍泛駕無歸程

無補集 詩之九

五

馳景迫西崦逝波趨東瀛亦甚踟而躑奚煩踟
且擎得新多擇木道故罕班荆羽翰判飛伏枝
條異枯榮終古汗青簡當時問白珩他山可爲
錯犁子豈舍駢猛自寸心戰勤獨片舌耕鄰雞
知催曉林鵲會告晴倚門倦彈鋏臨流喜濯纓
千載一陋巷百歲幾高閣縣罄欣皞皞鑽穴哀
嫻嫻舉舉蜉蝣刺悠悠螻蟻誠神淒醒噩夢氛
穢發狂醒文隱理黯黯武惡義璜璜昧商盤夏
鼎失右楮左槍腹祗芻豢飫耳但絲竹營竝駕

駑駘駿齊佩猶雜蘅企日勞種藿扇風誤樹楫
紫葢牽綠苻丹橘嫁黃橙握惟預操券身可前
定盟壯趾必往悔素履恆居貞么麼渺覷極微
纖妄結紘頓擲跛腳杖拋卻脫懷繡肅隊旗正
正合樂鐘煌煌瓊鏡乍開奩寶鏢初淬劓仲謀
眞是子無忌足稱甥冠裳慶輯瑞信誓利斬牲
莘野自優游豈藉事割烹邪谿自夭豔豈藉服
颺菁星精育俊傑月秀產娥姪三山遙訂侶四
海甘拜兄柔佞隔肺腑便嬖斷使令嫌獻梁園
賦歇博許氏評蔽陵巧挾彈遮道密張紉伽毘
調白象就嶠跨青麋游絲憐撲感夢緒閔披鬢
籓籬塌病鶴羈勒困奔蝨匪石勵堅堞如冰絕
貪振資竭犯眾怒賄乏守孤惇長戈忽倒撞強
弩特暗抨收奴推夢兆賈豎據奇羸惺忪費點
檢擾攘任聾盲涸鮒枉戀藻挺鹿枉思萃沈埋
吸帝漿瑣屑錄侯鯖黼黻韞圭璧筍簞輟咸馥
妙始納之牖善終鎮其甍汜露勝香醕席藉比
芳蕙潔齋玉爵洗淳朴瓦釜盛野處樂草服兒

戲舞雲朝炎焔沾霰凜煩燠蕩颺謬事假人
柄曠懷息我刺機捷聚狡客錐鈍遺殘忙枋榆
搶鴟鷂寥廊翔鷓鴣誰其顧墮甌彼方溢破罌
耄耆醜鄉黨俎豆忝宗祊化人忘肘樹達士藐
蹠泓幽關懾靈斧暗窟聳神鉦扣角和竽瑟擊
缶諧球鎗性既等猶狐名復混蝮螻杼軸感蟋
蟀筐籠逐鶴鷓趨市趁豸午開物譜由庚私覲
競眸眇暴筮儘砮砮脫裘快貫酒戴帽恥呼錫
含允僅及咫雕輪可照程度材縱逾尺錦櫝非

無補集

詩之九

七

韜瓔手攀愁汲汲目羨芒矚矚攜筇專一壑擁
卷富百城或乞食吹簫或侍讌彈箏葢難免於
世豈不齒之僉風櫺挂蠨蛸水涘突鳩鵲小利
車兀兀太虛室彭彭銷鋒鑄駿驥斷吾活蚘虻
孔訓賤執鞭曾誨矜推棖詞條彫舊圃書葉廢
新糞灰灰寧復焰塵生寧復瑩食槁學僵蚓蛻
汗學飛蜻躓迹逞驍悍抵掌恃強勃礪魄久鬱
積堆塚劇蚩儻懷哉君子和允矣小人磴

壬子春日偶論詩及集句予於詩話攷索

中曾鄙之或曰此亦一體適案頭有坡
仙集卽坡仙句集成六首聊以寫年來
況味見者弗怪
迂疎自笑成何事風動牙籤亂葉聲詩酒莫年
猶足用伴入燈火亦多情
竹杖芒屨取次行春風入髓散無聲偉哉造物
眞豪縱老樹蒼崖如有情

對花把酒未甘老偶聽黃鸝第一聲春色豈關
吾輩事抱叢寒蝶不勝情

無補集詩之九

八

漏盡雞號夜行莫教絃筦作蠻聲紛紛榮瘁
何能久未解無私造物情

雲雨從來翻覆手蒼蠅莫亂遠雞聲疎狂似我
人誰顧客路相隨月有情

細書千紙雜眞行坐撥寒灰聽雨聲不念空齋
老病叟故將妙語寄多情

題畫冊八首疊用我家義門先生金陵懷

古韻

黃海雲濤

軒帝騎龍上玉京靈山遺迹湛華清喬松陰映
青猿洞神草風香白鹿城雲遠飛濤千疊涌天
高流靄一痕橫仙游有路誰相訪擬獨誅茅此
避暑

空山獨往

憂心我念獨京京一往空山天宇清好在透遲
棲遠道幾多蹀躞冒重城眼看搖落巖巒淨芻
抱風雲書策橫須識悠然此袖手昔年箕穎允
齊名

無補集 詩之九

九

姥峯仙館

樓觀凌虛仙子京嵐光隱映氣徵清雲邊瀉瀑
挖銀漢海外飛霞擁赤城偃月舟形巖畔落跨
虹梁影澗中橫可知此境人閒少不羨金書玉
策名

谿堂清暑

鷗渚鳧汀傍鶴京谿堂高敞暑風清遙憐翡翠
渾如塢近想芙蓉亦有城黛色濃挖山合沓穀
紋輕漾水縱橫滄浪一曲知誰和手倦拋書嬾

釣名

古木棲鴉

望中小阜突如京鴉影依林礪壑清甘自斷行
迴野岸笑他成陳噪寒城磷磷疊石堅心在鬱
鬱蟠根老氣橫疇是憂勞圖盛業古來志士永
垂名

臨流濯足

儘堪才略定三京脫屣榮華耳目清暢此天懷
游鹿豕嬾於人世賦干城推排塵土嫌瓢挂洗
無補集 詩之九

十

滌谿流看劒橫莫謂沈埋竊且獨寥寥宇宙總
虛名

重巒疊嶂

插天山勢聳瑤京鬱鬱蔥蔥邃以清碧樹低圍
丹水窟朱樓遠吐白雲城鋤煙高隴長鑿荷踏
月空巖短策橫爾許幽棲足行樂何須塵世播
嘉名

寒林亭子

車馬喧囂洛與京孤高心事乃雙清躬耕已足

驚廊廟坐釣何妨混市城寒樹蕭蕭遠岫列虛
亭寂寂莫江橫飛鴻踪迹空欣慕莫向山中問
姓名

八月十三日天未明夢室人誚謫翬蕭散
數輩笑曰張儀以舌在誇妻而能詩盍
哦詩以謝褻哀閒又曰而首唱及落句
予六人聯句足成之以谿西雞齊曉爲
韻句冠八音字吟罷抵掌一笑而覺

金天雲影暗蒹谿

子

石徑榆陰接水西

老者

絲

無補集

詩之九

十一

雨瀟瀟愁野鵲

少者

竹風嫋嫋聽邨雞

女人

匏

樽可竝瑤觴薦

疎髯者

土鼓云將玉磬齊

瘦者

革面革心終計左

少女

木僵人豈夏悲嗁

子

無補集 詞之一

嘉善 何文煥 屬

賀聖朝 踏青

春眠向曉春遊懶被鶯兒邀喚紅烟綠霧暗
紗更高枝幽囀 薰人香透呵人風軟是東皇
情欸芳郊隨意踏青來趁叢叢花遠

風蝶令 冒雨登冷泉亭

寫翠飛危磴剝青立峭峯煞時雲影暗空濛山
後山前雨陣響淙淙 健調誇詩虎豪情快酒

無補集 詞

龍醉來亭上坐從容笑我一腔與水冷相同

西江月 松下

屈曲枯根雨溜昂藏老幹雲飄偶來此下一消
搖松亦和余長嘯 倦倚愛渠天矯醉吟兀自
森蕭與松同病儘堪嘲歷落欽崎可笑

瀟湘夜雨 泛湖

小做船牕翩然如葉峭帆穩趁微風虛徐飄漾
落湖中聽漸杳菱歌答響遮不斷草色粘空偏
奇處寥天一抹靄翠霞紅 遙邨孤艇渚蘆掩

映裊裊烟蒙想無多人在牧豎漁翁明點點灘
光飛鷺橫閃閃橋影騰虹推篷起淒清極目秋
遠碧瓊瓏

玉漏遲

約慈山先生接梅溪莊

入春無限好閒思更願梅花開早憑仗晨光烘
得寒梢烟裊任是東皇笑我快意處芒鞋須到
恐負了疎林淡影高枝幽鳥屈指驚蟄前期
趁萬朶香濃細尋吟遶夜色昏黃自有夜珠來
照吸盡煙霞臭味想枯腸興添多少乘清曉擬

會慈山仙老

無補集詞

二

念奴嬌

對月

月明如許恨不照千古英豪心跡時正秋高三
五夜只見半天虛碧荒蹟沙寒空江波冷杳杳
凝冰魄憑欄遙睇與誰同擺風力洗盡薄霧
輕烟九霄清夢那受纖塵隔須識男兒方寸裏
光滿不殊今夕斷斬妖墓窮追狡兔猛氣應無
敵等閒排遣一聲吹裂橫笛

滿江紅

悼孫清一

疑邨先生之令子曰清一忽兮物故疑
邨方侍養尊君不哭而神傷焉爲賦一
闕寫之

酸割愁腸怨華年淹然便歇回首地晨牕塵滿
夜帷燈滅玉樹深埋卻也夢覓哀弔相思月
恐堂前白盡老人頭真悲切 繙故笥理殘帙
影已斷神先絕更誰禁受得這般悽咽強舞萊
衣歡未減羅襟暗地流清血最苦是言唁爾翁
時難分說

無補集 詞

三

漢宮春

咏蝶

仙蛻悠揚遍園林勝處撲影狂飛風光也不愛
惜曉夢還迷莊生有意欲和他同赴花期緣底
事渾然不佻輕輕撇過牆西 爲戀春濃如許
儘飲香吸露占盡便平宜只愁一時懵懂骨住
網絲重圍難解竟墮落月趨霞衣足可惜知機
未早空拋綠慘紅稀

霜天曉角

月下

清寒如水月浸虛庭裏映地枝枝花影似蘋藻

橫潭底 石上光泚泚樹間風瀾瀾頓爾盪胸
滌胃都空洞無查滓

鷓鴣天

瓶梅

蠟沁梅痕吐曉寒折枝疎影耐人看卻憐鹵莽
嬌癡女亂插銅瓶撲面安香清且美秀而圓斜
柯重整費盤桓坐來硯席生香滿莫笑山臆臭
味酸

江城子

惜別

自來契濶幾經秋思

去聲

悠悠夢悠悠月夜花朝

無補集

四

兀自怕登樓望到天邊人不見空眇眇暮雲稠
忽重逢地話綢繆苦相留更難休你我多般
滋味在心頭無奈覓銷終別去而此後憶儂不

意難忘

湖船小婦

露宿風餐愛香鬟矮髻玉臂輕衫芙蓉新婦渚
楊柳女兒灣情漾漾態態愁愁厭浦口萍黏喚小
郎開船拍水閃破澄瀾 行來港北垞南試緩
拖蘭漿穩峭雲帆歡憑一葉樵遊遍百花潭時
軟語俏喃喃儘客意都諳淪嫩茶磁甌捧送笋

樣雙尖

山花子

許明川避暑北園賦池荷一闕寄之

眇眇紅衣艷月聰翻翻綠蓋舞雲塘花底風來
醒午夢小迴廊 擎住露痕銀海眩咽餘霞氣
玉池涼正好開軒消受處遠舍香

詞水青玉案

盆中石子

雲胎月孕岷河派喜磊柯隨波瀉一掬勻圓光
照夜青絲紅暈蝦鬚魚眼點蹙明于畫 珊瑚
瑪瑙空高價滉漾霞痕艷而冷冷沁磁盆當盛

無補集 詞

五

夏暑風銷盡雅人淡致取次供清話

照人月圓

池荷

清涼國裏偏佳麗搖影眩輕紅綠雲淡處盈盈
臨水裊裊迎風 晨光瀟灑丹霞玉映華露珠
融凌波仙子含香凝睇嬌態妖穠

蠻干減字木蘭花

招浦柳愚小飲

紫蟹綠醅適蒙客贈高談豪飲願與君
同夙知自外形骸不信難親風雅非折
簡可致率爾一招效投轄言歡居然再

賣敬填小令謹候清裁

多年澗別欲把吳儂鄉景說說着尊鱸幾度秋
來興已孤 霜螯紫蟹賸有汾湖風味在左手
同持美滿村醪不用辭

滿江紅

登金山

玉削芙蓉忽浮起江心陡絕縹緲際拍空波浪
映空金碧蜃吐龍嘘烟霧裏一堆嵐氣青于滴
問山靈呵護許誰遊騎鯨客 紫光裘翠紋笠
舒鸞嘯揮鴻筆笑黿鼉窟底駭飛狂擲紅透海
門初日曉綠迴京口寒雲積歎登臨千古浩難
收英雄魄

眼兒媚

雁字

忽看人字薄雲天空碧似瑤箋翩翩去也迢迢
遠矣翹首悠然 聯行排得如儂意知落阿誰
邊凝眸許久銷覓此際幽緒難傳

無補集 詞之二

嘉善 何文煥 屬

千秋歲

題六合夏孝廉冰嶠洗硯圖

想君清思那許畱塵滓攜一硯瓊瑤比輕磨和
秀魄小握凝香髓揮洒罷臨流頻喚奚奴洗
脈脈谿紋細漾漾霞痕膩風乍過雲初起神含
山影碧色映天炎紫誰描取瀛仙雅度應如此
法曲獻仙音 寄虛自開士

無補集 詞之二

一

夕鉢香清曉鑪泉嫩冷趣惟僧閒賞適值涼秋
已拋長夏捫心懵然無狀數白社風流長擬搖
著輕槩特相訪 問今番復招幾輩同結蠟誰
要一軍獨張想詩虎文龍共雨窗燈夜高唱古
錦囊中可攜將雲幅來貺勝醍醐灌頂切莫自
家私享

東風第一枝

訓導蔣拙菴先生七十雙壽

綬縮同心箱韜密印是箇風流師表一枝遠播
清芬三秀競飛華藻蘭芽芝朶喜占盡人間佳
兆最可羨鴻案莊嚴依舊葛覃桃夭 雲脈脈

細簾綠繞允冉冉碧窗紅裊手持霞殘齊歡眼
看綺筵合闌銀河斜界任此夕雙星含笑也不
讓五十年前繡閣玉容花貌

龍山會

己亥秋九過問心菴

九日偏悽楚碧艸丹楓點染流光處良辰難久
駐荒江水只箇如斯東去天末更蕭寥漫翹首
輕雲將莫歎雲邊孤鴻杳杳一聲聲苦行看
籬下悠然來向精藍且暫消愁慮知誰畱別趣
拚儒腐儘受世閒塵土自笑此生狂方寸內空
埋千古閒排遣不須管那渴鳥奔兔

無補集

詞之二

二

唐多令

落梅

瘦幹一叢叢香痕煙影空悵孤山寂寞逋翁見
說羅浮仙境好尋往夢杳無蹤賦筆也徒工
魂飛玉笛中愧年年首占春風裊席籬籬何定
所有幾點壽陽宮

